

Fundacion Gabriel Flores a keda estableci

ORANJESTAD [AAN]. Oficialmente a keda estableci Fundacion Gabriel Flores 16 di Februari ultimo na oficina di Notaris Mr. Maria Albertina Eman.

E fundacion ta carga e nomber di "Fundacion Gabriel Flores" na memoria di e fayecido hoben musico Arubiano Gabriel Flores.

Gabriel Flores conocido cantante, compositor y arreglista cu a fayece dos aña pasa, awe lamentablemente no ta hunto cu nos pa por mira un di su soñonan y balor cu nan ta merece riba nan propio pais.

Gabriel Flores cariñosamente yama Gaby of Gabichi tabata un hoben cu for di chikito semper tabatin musica na curazon.

Un hoben semper dispuesto ap coopera y duna su aporte riba tereno musical, cultural y social.

Un artista arubiano cu a sa di

studi y gradua na Berkleys College y a bira un artista di nivel internacional.

Pa sigui cu trabao cu Gaby no a haya e oportunidad di bida pa por a termina a lanta e "Fundacion Gabriel Flores" cual tin e tarea di promove, duna apoyo y balor na nos cultura cual ta patrimonio di nos Aruba.

Como musico cu semper a lucha pa bai adilanti cu pensamentonan grandi, vision, talento natural, semper cu un sonrisa riba su cara, cu su don humanitario cla pa yuda un y tur awe nos kier recorda GABRIEL FLORES y demostra cu cada un di nos musiconan ta merece e reconocimiento aki na nan pais Aruba.

E fundacion aki tin un compromiso cu nos musiconan y tur e futuro musiconan di nos pais Aruba.

Den e objetivo aki tambe nos tin nos hobennan cu tin deseo di studia musica y practica

esaki ariba nos isla den pensamiento. Fondonan cu lo wordo crea pa e fundacion lo ta disponibel pa tur instancia cu ta traha cu mucha ta pa jega cu musica pa promove musica di nos dushi pais Aruba.

Intencion ta pa jega na un sede pa e "Fundacion Gabriel Flores" cual lo bira e cas pa

nos artistanan Arubiano.

Ta e deseo di e fundacion pa tur amigo, conocirnan, musiconan, medionan di prensa, Ministerio di Cultura, Asoma y pueblo di Aruba en general pa contribui cu nobel causa aki na memoria di nos gran amigo musico GABRIEL FLORES.

Ban uni forza y apoya nos

balornan musical, cu den pasado y den presente semper a duna y lo sigui duna nan aporte na Aruba su cultura, reconociendo cada un di nn esfuerzonan.

Terminando cu e frase aki: Cada jiu di Tera mester wordo reconoci riba su teras y duna balor cu e ta merece riab su Tera.



Riba e portret por mira di robez pa drechi, Dalilah Boye, president di e fundacion, notario Mr. Maria Albertina Eman, Belkys Flores, Secretaria, Edwin Abath miembro di directiva, mientras no ta presenta e tesorero Anaika flores..